

應天府志卷十六

建置志

維茲京邑四方之極



王命下裨民生

昭代宏規與天

應天城越始築

爲都置宮城

頭置蔣州城

秦淮入建

國初開拓今第

府修葺

府治洪武初自

內橋西南其

堂東爲廣積

諸房科後爲心愛

爲俸給倉官廨列於堂北

儀門府尹宅有雅亭祭酒程

者必泉石之瑰奇也亭榭

也又恒在都會焉是故遊者衆而園日有名應天
京兆尹公署之後有亭一區面方池環蔬畦而已
其諸泉石花木無一焉况瑰奇侈麗乎松溪程子
譙于斯顧而喜曰園亭之靡麗者衆矣若斯亭者
不亦雅乎夫雅之時義大矣夫雅也者正也常也
惟正斯可常也道本正而已矣常而已矣政者正
也政有小大故詩有小雅焉有大雅焉正斯可常
故孔子以詩言執禮爲雅言是故由夫正也在詩
爲雅也馬在音爲雅衆馬在行爲雅德馬在名物

有爾雅焉心証章爲

馬先王之道斯爲美不

可廢也其反是不可繼也故曰正斯可常也斯亭

也其正而可常乎哉彼其瑰奇者侈麗而珍異者

進乎其中或有靡心焉固已詭於正矣矧物不可

常盛也而墮圯傾剝必將繼之異時雁鴟狐兔之

交灌莽荆棘之翳孔與斯亭之泊然而常存乎是

故大雅亡而天下無善俗君子有餘慨矣抑或猶

有相也夫菽粟布帛民之雅也節用愛人政之雅

也政先於雅斯民安於雅矣民安於雅斯吾可以

止於雅矣此敬事後食之義也此先憂後樂之心

也而居之無倦而綏之思成而惇大以用晦必皆

於斯乎有契焉則斯亭也豈直燕遊之地乎可以

養性情焉可以比物我焉天下皆斯亭而大雅興

矣

司獄司在府治前 都稅司大中橋西南 常平

倉斗門橋南 江東宣課司江東門外 聚寶門

宣課司聚寶橋西南 龍江宣課司龍江關內

朝陽門分司上方橋西 江東巡檢司新江關外

秣陵鎮巡檢司上元東頭四十里通溧水高淳

江淮巡檢司江浦縣江淮關 龍江關在龍江宣課

司旁 石灰關石灰山北 江東馬驛新江關內

出守新河渡江達江浦 龍江水馬驛金川門外

十五里大江迨通舟楫南北要津也 批驗茶引

所都稅司東 龍江裏外河泊所儀鳳門外 陰

陽學治西 醫學陰陽學南

總督糧儲都察院會同館內凡奉

勅督儲都察院都御史或南京戶部侍郎皆居之

巡撫都察院在會同館內今移鎮句容

提學察院舊在會同館後置明道書院左今以巡撫

都察院為之

巡按察院在復成橋北

上元

縣治在府治東北昇平橋西唐始置於永壽宮光啓

中徙鳳臺山下宋徙白下橋建炎間始遷今所

國朝仍舊正廳左為典史廳東西列房科後為牧愛

堂北折而西為官廨東西達於儀門儀門之外為

大門旌善申明二亭在門左右今廢各縣規制畧同正統中姜德政修國子祭酒陳敬宗爲之記淳化鎮巡檢司在縣東四十五里

公館在淳化鎮

預備倉在馴象門賽工橋北水次倉觀音門近

大江 養濟院舊在通江橋柳林中洪武間建後

毀爲民居所侵今焚獨時給衣糧而無棲止所

急遞鋪在縣前東達句容曰城東曰磨石曰麒麟

曰洛家曰張橋東南曰高橋曰淳化鎮曰索墅曰

土橋西南曰府前總鋪曰三山濱大江曰江東

長安街在

皇城西長安門外即舊白下橋東大通街在大中

橋東南接通濟明北通竹橋橫亘長安四面立綽

楔曰四牌樓里仁街在大中橋西宋程明道張

商軒書院故基存義街在里仁街西宋上元縣

學故基時雍街在存義街西即縣舊治處和

寧街在時雍街西中正街在和寧街西廣藝

街在縣西舊名細柳坊一名武勝坊縣志以細柳

坊為非是 務公街在善政坊西舊名清溪坊 致
和街在務公街西舊清平橋街 大市街在縣治
西故天界寺門外舊名來道街 大中街在針工
坊北舊狀元坊 習藝東街在習藝西街東 習
藝西街在皮作坊東舊土街 洪武街在北門橋
東

國初開拓北城始闢此路因名 成賢街在國學前
太平街在太平門南俗呼御史廊 崇禮街在洪
武門西直抵大中橋 三山街大中街西南直抵

三山門與江寧界 古御街內橋南直抵聚賢門
亦界江寧 南唐詩街前臺省相列東西有錦繡坊

今府治前街即西錦繡坊也 北新街玄津街西

十三丈街習藝街西北 評事街南通三山街北

抵筮橋 圖志名皮作坊 奇望街一名針工場東接

狀元境

裕民坊在太平門北街舊真武街 建安坊在鼎

新橋北俗呼下街 善政坊在大中橋西舊名九

曲 全節坊在朝天宮西舊名忠孝坊晉下壺死

節虛 英靈坊在十廟西 大功坊東抵秦淮西
通古御街 善和坊武定橋東

淳化鎮在鳳城鄉宋淳化年置故名東達句容至

丹陽常州 石步鎮在長寧鄉古為羅落橋鎮劉

裕斬皇甫數陳霸先會徐度等即此土橋鎮在丹

陽鄉與句容界 靖安鎮在金陵鄉龍灣一名靜

安岳忠武於此敗金虜宋汪藻詩檣竿歷歷表中

流取宿河堤古驛頭天遣山川渾着月人將榆柳

共驚秋湖熟鎮在丹陽鄉

青龍橋在東長安門外洪武中建受銅井水西流

入 御溝 大通橋西長安門外金水河所出一

名白虎 會同橋大通橋西北近會同館 烏蠻

橋在大通街 栢川橋烏蠻橋以上以上跨 御

河大中橋舊名白下一名長春橋唐東門橋也

復成橋大中橋北 玄津橋後成橋北 西華門

之前 通賢橋成賢街前 北門橋通賢橋西當

南唐之北門宋名武勝以上俱跨古城濠珍珠橋

北門橋東跨古珍珠河 淮青橋大中橋西以接

秦淮有溪二水故名舊名東水閘 竹橋玄津橋

北通 大內 清平橋內橋東 以上跨青溪 鎮淮

橋聚寶門內即古朱雀航吳名玄津 武定橋織

錦三坊內舊名嘉瑞 通濟橋通濟門外 中和

橋通濟橋東南 上方橋中和橋東南 以上跨秦

淮 正陽橋正陽門外 跨都城濠 斗門橋三山門內

即古禪靈寺橋秦淮合運瀆處 南北乾道二橋

斗門橋北 鼎新橋乾道橋西北舊名小新宋馬

光祖重建 筮橋評事街北舊名欽化宋改名太

平 景定橋筮橋東舊名閃駕宋景定間重建

崇道橋鼎新橋西近全節坊 武衛橋朝天宮西

即古西州橋 以上跨運瀆 內橋縣治西宋行宮前

舊名天津橋運瀆合青溪處 昇平橋內橋東宋

名東虹 大市橋內橋西宋名西虹 以上跨護龍

河獅子橋鼓樓北與獅子山相望故名 彭城橋

在彭城山 石步橋在長寧鄉古名羅落橋 回

龍橋定淮門內 高橋通濟門外 韓橋觀音門

外 銅橋上方橋東 滄波橋滄波門外 秦淮

橋上淮關址 金川橋金川門內 亭子橋清風
鄉 徐鉉記建高亭於路周跨重橋於川上即此

江寧

縣治在府治南銀作坊即宋東南佳麗樓故址晉臨
江寧浦唐武德徙白下村貞觀再徙傍冶城宋移
城西北有尉司在古越臺前元即司改建縣治
國朝洪武初徙建於此其制大都與上元同永樂中
災宣德五年陳孜重建正統七年周原慶修成化
間劉傳新之正德十六年重修

大勝驛在西南三十里大城港口

江寧驛在江

寧鎮古驛址達采石至太平

宋錢起詩花院日扶

疎江雲自卷舒主人熊軾任歸客維門車曙月稀
星裏春烟紫禁餘行看石頭戍記得是南徐

存留倉在安德門外臨河 預備倉賽工橋南

養濟院在聚寶門外 正統中府尹李敏行縣修葺

後漸仁祀嘉靖四十三年重修 義阡鳳臺門外

三塔庵側宋嘉定八年轉運副使真德秀置兩阡
於南門外成化十年鎮撫王瑛增置今所

公館在板橋

急遞舖南曰菜園分句容溧水二路曰河定橋曰
殷巷曰玄武曰秣陵曰茅亭曰烏剎西南曰七里
店曰五里牌曰鍾家埭曰馬塘山曰木龍亭曰葛
家埭達當塗

草鞋街自斗門橋東向抵顏料坊 馬道街鎮淮

橋東南 周處街善和坊南 沙河街秦淮南即

古永安坊 保寧街在飲甌橋東南 磨盤街飲

馬巷西 聚寶街聚寶門外即古長干里 西關

中街南街北街並在三山門外 馴象街來賓橋

西又名宰相街相傳王溥居此今經廠是其宅

鞍轡坊雜役三坊北 銀作坊鞍轡坊北舊金陵

坊 鐵作坊弓匠坊東舊小水頭街 弓匠坊鐵

作坊西 氈匠坊弓匠坊西舊水道巷 銅作坊

與顏料坊接古東市 顏料坊氈匠坊東 箭匠

坊鐵作坊東

江寧鎮縣西南六十里 金陵鎮南六十里本陶

吳鋪宋改爲鎮元設稅務於此 秣陵鎮東南五

十里元設稅務今置巡檢司 大城港鎮西南沙

洲鄉鎮通大江為要地有大勝關及水馬驛

新橋在雜後一坊本名萬歲又改飲虹新橋乃吳

時名今呼為新襲其舊也宋史正志重建 上浮

橋新橋西正德間重修 下浮橋上浮西北 以上

跨秦淮 聚寶橋聚寶門外古長干橋 賽工橋

馴象門外 三山橋三山門外 石城橋石城門

外通江橋金川門外 江東橋江東門外 以上

揚吳城濠 重驛橋長干橋東即古烏衣巷口謂朱

雀橋者非是 澗了橋長干橋西南 來賓橋

子橋南以近來賓樓故名 善世橋來賓橋西

就灣橋在安德街古世橋西 以上跨躍馬澗水流

跨城濠 板橋西南三十里吳張悌沈瑩等屯此

李白詩天上何所有迢迢白王繩低斜建章闕耿

耿對金陵漢水舊如練霜江夜清澄長川瀉落月

洲渚曉寒凝獨酌板橋浦古人誰可徵玄暉難再

得灑酒氣填膺 新林橋西南十五里即梁武帝敗

齊師處 白板橋縣南 梁武次江寧呂僧珙與王

戊進軍守台板橋即此
牧馬橋在東南南朝牧地有
浦水 烏剎橋東南界深水一名烏鴉橋 杜橋
東南三十里 善橋西南十八里 令橋烏鴉橋
西北臨令水 秣陵橋縣南五十里 江寧橋縣
南六十里臨江寧浦 到駕橋夾岡門外洪武初
太祖駐蹕於此因名

句容

縣城吳赤烏二年築子城周三百九十丈唐天祐八
年縣令邵全邁修築有東西南北白羊上羊六門
宋淳祐六年張渠重築後廢

國朝景泰間浦洪劉義建門樓弘治三年王僖砌以
石嘉靖三十三年樊垣始築磚城周七里有五門
萬曆三年移建南門於舊門之左

縣治在城北唐天祐六年令邵全邁建宋葉表上通
吳洪張渠相繼修之咸淳六年王彥清爲明清堂
趙子寅爲之記元田郁趙靖更建後毀洪武二年
黃守正因舊基重建陳俊德浦洪周仕重修
稅課局在三思橋東洪武二十五年建弘治四年

徙建東門內 龍潭巡檢司在龍潭鎮正統十三年

改建舊址之西 雲亭驛與預備倉對舊在治西

後革成化二十三年 奏復 龍潭水馬驛盤龍

山北成化十一年自龍潭鎮徙今處 陰陽學京

兆館東 醫學館西 僧會司 道會司

縣倉在治明清堂西 預備倉在西門一里正統

十年建 東西南北四倉在茅山瑯琊上容移風

四鄉洪武二十五年建 歲積倉龍潭鎮正統二

年建萬曆三年增糧長官房 社倉共一十七處

隆慶三年立 官鹽倉近江河口 惠民局察院

西 養濟院在西南隅 漏澤園東西南北坊郭

五十六鄉各一所

巡撫都察院在縣治東萬曆二年本院奏

准移鎮以舊察院爲之

察院在治西萬曆初建

府館在治西弘治初即句曲書院建

白埠公館白土鎮西丹陽句容中路

急遞舖總舖北曰澗西曰鮑亭西北曰東陽北曰

龍潭曰鳳壇曰廟林曰仁信曰坎壇東曰上蘭曰謝培西曰土橋南曰時清曰南寧

常寧鎮在東南四十里天禧初以鎮置寨有巡司

稅務今廢 下蜀鎮北六十里仁信鄉 唐劉展襲

下蜀即此 東陽鎮西北六十里瑯琊鄉宋葉適創

瓜步堡屏蔽東陽下蜀 郡國志改秣陵爲東陽郡

因名 土橋鎮西二十里與上元界

集仙橋在縣東南一里許 赭渚橋東一里 白

鶴橋東南三里 西溝橋南四十里劉巷村宋乾

道四年建 永安橋南七里下小港歸秦淮 降

真橋茅山王晨觀西 歸善橋南一里 昔有虜將

殺人至此見義姑不忍殺故名 懸燾橋西十五里

周瑜常駐軍於此一名沿陸 周郎橋西二十里

亦以瑜名 八字橋治社路分兩岐 官橋城隍

廟街其渠合流坊市水 句曲橋近崇明寺 沈

公橋南二十五里以慶之名

溧陽

縣城在燕山之北五里許南唐昇元二年築土城周

四里餘河貫城中濠深五尺濶十倍之宋建炎中西拓青安草市加廣二里建陸門五水門二元因爲州城

國初命將士築之仍南唐舊址而界草市青安於外越七年又命部使郭景祥加築之周九百丈有竒濬濠深丈餘四門外復築瓮城改名曰東平西成南安北固學士宋濂爲之記弘治九年符觀以南城逼洋宮徙築河壘以廣之嘉靖中增修

縣治在城西北隅秦置溧水之北漢在溧水固城唐

徙西北舊縣村天復三年徙今治宋紹興知縣事施佑重建乾道喻安中爲無倦堂

程迥記桐廬喻

若安中宰溧陽扁其廳事曰無倦聞其說曰易曰

天行健君子以自強不息夫天之度三百六十有

五竒四分度之一日行一度故改歲而周天月行

十三度疇故改朔而周天惟天也一日之行已周

乎日月之度以歲月致者可謂健矣然四時以之

行存物以之生千歲之日至皆可預期何則天之

運不息也歐陽文忠公對客多談吏事曰文學止

於潤身政事可以及物蘇東坡亦以吏能自任且
謂學於歐陽公夫後生視二公爲何如耶
元爲州

爲府爲路治更不一吳元年王琳仍建州治洪武

二年改縣顧思邈修之天順初燬李溥重建

陰陽學 醫學俱在治東 僧會司 道會司

存留倉在西北 水次倉東南 義積倉治南

養濟院東隅 惠民藥局養濟院左 涌澤園西

門外弘治八年符觀又立義阡於南門外

都察院在縣治北

察院都察院右

府館在縣治東

陶庄公館縣北丫髻山東乃溧陽句容通道

急遞舖總舖西曰十里曰小山西北曰中橋曰六

里曰黃連曰牌岡南曰長巷曰殷家曰曇園

舉善鎮在縣南三十里元設稅務 杜渚鎮西南

六十里宋初有稅額 高友埠南二十五里 週

城埠西南四十五里 宋末民結寨築城以守週圍

濠跡尚存一作周城 上興埠西北六十里舊有巡

檢司今革 黃蓮埠西北六十里 上沛埠西六十三里

春雨橋縣治東舊曰春市嘉定間知縣陸子適重建時旱得雨故名 上水關橋治北弘治間符觀重建橋上舊有清暉堂後廢 下水關橋治東南舊有挹秀堂廢嘉靖間改徙學左名躍龍關 硯瀆橋治東北通謝公渚

東平橋東門外 秦公橋東南一里近秦梓第俗名下橋 南安橋南門外 西成橋西門外 鳳

凰橋縣西北 北固橋北門外 仙人橋南十里 臧志云西北有釣魚臺仙人跡 盤白橋西南四十

二里 橋西有大地百畝世傳為盤白觀基 泓口橋

西北三里 鹽港橋九里水通古瀆 袁溪橋十

四里水通泓口 官圩橋二十里 李家渡橋三

十里俱水通前馬 嘉定橋四十里凌跨中江又

名中江橋 烏金橋北五十五里石出烏金 檀

石橋六十里前有蟠龍堰 藏舟橋存留倉西官

船出入處

溧水

縣城隋始築城周五里有竒宋紹定中知縣史彌鞏修之

國初鄧鑑更築周七百餘丈有六門洪武間郭雲重建正德中陳銘甃以磚尋毀陳憲因址築土城嘉靖初王從善展東隅砌石橋以馮水十年水敗東南隅張問行修十七年水復潰至三十六年曾震造石城

縣治在城內淮水北唐元和撤縣立城隍廟移縣西數十武宋仍舊元陞爲州洪武元年顧參劄今所二年復爲縣郭雲建

稅課局在縣治北 陰陽學 醫學俱治東南

僧會司 道會司

存留倉在表孝坊北 預備倉縣東南 新倉舊

名永豐在水陽鎮隆慶初徙縣西南二十里梅家

渡 先斯倉俸給倉右 養濟院小西門內即河

泊所故址 漏澤園東門外 義阡三所東門南

門大西門外

察院二一在通濟街北洪武間建成化中審賢移置
今所一在望京街嘉靖間包桐建

府館通濟街北景泰間建

急遞舖總舖西北曰勝水曰烏山曰柘塘東曰尚
書曰菱塘曰段家曰楊塘南曰廟塘曰石堆曰三
角曰孔鎮曰土山曰毛公西曰塘西曰埭東東北
曰新安曰上店

官塘鎮縣東二十五里白鹿鄉 蒲塘鎮南二十
五里贊賢鄉 孔家鎮西南四十五里仙壇鄉

蒲千鎮北三十里歸政鄉

通濟橋縣大北門外今名東橋 南門橋宋皇祐

重建 巫家橋俱南門外 望京橋西北 秦淮

橋小西門外其下即秦淮水 利涉橋北三里

天生橋西十里洪武二十五年崇山侯李新焚石

鑿之 段亭橋東六里 獨山橋十里 五里牌

橋南五里 尚義橋二十五里舊名蒲塘 土山

橋五十里 神靖橋東南四十二里舊名神龍宋

知縣李朝正易今名

江浦

縣城舊在浦子口

國朝洪武四年立應天衛命指揮丁德築城周一十六里有奇其門五後遷治曠口山萬曆元年始築土墻六百九十餘丈下甃以石三年增築重垣

縣治在曠口山之陽洪武九年創置於浦子口城二

十四年移今治仇存仁建景泰中羅信修

稅課局在北門外後革隸於縣今復設 江淮驛

治南二里 陰陽學 醫學俱治東 僧會司

道會司

俸給倉 存留倉 預備倉 社倉上四倉俱治

東北一里 養濟院治東一里

察院二一在治東三里一在治西二里

屯田察院浦子口城

府館縣治東

戶部分司在浦子口城

西門館浦子口城萬峯門外

東葛館西北三十五里即舊東葛驛址

急遞舖總舖達六合曰浦子口達和州曰瓦廟曰
高望曰蛇冲曰橫路曰號崗達滁州曰石山曰黃
岩曰東葛城曰西葛城

烏江鎮在西南七十里遵教鄉本秦烏江亭晉始
置縣南北朝改郡隋復縣宋紹興中廢爲鎮 香
泉鎮西三十里任豐鄉近湯泉 高望鎮西南二
十里

淳化橋在治西一里洪武初開新路甃石建正統
間重修 騰蛟橋 起鳳橋二橋學左右 育英

橋青雲樓下 阜安橋西街口 石磧橋南三十

五里 茅塘橋北三十里洪武三年建 橫橋四

十里洪武十三年建通浦子口驛路 沙河橋浦

子口城滄波門外 通江橋萬峯門外

六合

縣城漢爲堂邑縣始築城至南北朝築秦郡城蓋踰
河爲一宋紹興二年步帥閻仲請就舊濠築城在
河北有四門隆興初郭振城北又築一城二城俱
砌以磚又數年築河南土城乾道紹熙嘉泰相繼

修之元仍故

國初城廢成化十年唐詔開門四後每隅增一門嘉靖三十四年鑿濠治北三十九年築堡圍縣署

縣治在滁河北岸舊爲郡治河南有御書鼓角二樓紹興三十一年燬寓城北尋復故址嘉定七年知縣劉昌詩重建洪武元年胡有源遷今治林至萬廷程李楚周薇修之

稅課局舊在東南正統間革景泰三年奏復建治西南瓜埠巡檢司瓜埠山下初去河半里許後

徙今處 棠邑驛縣治東 瓜埠三汊河泊所

東一里 陰陽學 醫學俱治前 僧會司 道

會司

縣倉在稅課局西正德八年萬廷程建嘉靖三十

九年移建旌善亭後 預備倉有東西南北四倉

洪武二十三年建今廢嘉靖三十九年併縣倉

養濟院洪武八年建于縣西後廢成化初唐詔重

建治東北 漏澤園宋紹興二年置于東門外今

四門俱有義阡

察院在治東北洪武十一年李仲美建

府館察院東弘治中建

急遞舖總舖東曰馬橋曰墩子南曰林家曰梁塘

江浦適中處曰駱家西曰程家橋

宣化鎮在六合山東濱宣化江宋有巡司稅務紹

興十一年張俊敗績走此唐韓翃詩江聲六合暮
楚色萬家春白紵歌西曲黃苞寄北人
長蘆鎮南

二十五里濱長蘆江宋設松江巡檢官監稅渡唐

李白詩維舟至長蘆目送烟雲高搖扇對酒樓把

袂持蟹螯仙尉趙家 土英風凌四豪前途倘如思

登嶽一長謠宋梅堯臣詩帶月出寒浦殘星浸水

瀆帆開風色正舟急浪花分霧氣橫江白鷄聲隔

岸聞天晴建業近鍾岫起孤雲元張以寧詩水煎

天去無邊白山過江來不斷青瓜步鎮在瓜步山

宋劉長卿詩瓜步寒潮送客楊柳暮雨沾衣故

山南望何處秋草連天獨歸宋蘇軾詩吳塞蕪葭

空碧海隋宮楊柳只金堤春風自恨無情水吹得

東流竟口西 竹鎮治西北五十里宋設巡司稅務

韓世忠畢再遇敗走金虜於此今爲市宋史云距縣二十五里恐誤

龍津橋治南滁河上舊疊石爲十八墩後黃巢犯境燬之僅置渡往來宋紹興知縣龔相重建尋廢洪武元年胡有源置船濟渡永樂元年胡銘惠仍造浮橋成化五年唐詔修嘉靖二十三年重建

冶浦橋治東跨冶浦河唐天寶十二年築以土紹興二十九年孫永復建嘉定十年劉昌詩永樂二年胡銘惠更建木橋宣德中史思古始疊石爲榭

覆以屋

宋史作冶新橋

追人橋來春門外宋大和

兵禦南唐至此故名

嘉曾橋

仁和橋俱在治

東

鍾秀橋治西

以上跨城河

永定橋宋建洪

武中重建

蘆門橋

青竹橋宋建

八伯橋唐

開元五年建

以上跨冶浦支流

馬家橋治東十

里善家橋在瓜步與儀真分岐處

瓜埠石橋

善家西北下入匠人河

成家橋西二十五里

楊都橋西北十五里

茆家橋南二十五里通陳

里港

高淳

縣城在淳溪河上嘉靖五年劉啓東築土城東北因岡阜西南藉淳溪爲壕甃七門

縣治在鎮山弘治五年始即鎮爲縣宋澄建嘉靖四年劉啓東修

廣通鎮巡檢司在治東南六十里洪武間建 陰陽學 醫學俱在治左

預備倉在治東南弘治中建嘉靖四年劉啓東復修 常豐倉舊名永豐嘉靖初重建在水陽去縣

三十里萬曆元年遷治西 養濟院在治左嘉靖初增建

察院

府館俱在治西正義街

廣通鎮公館在巡檢司南嘉靖初修

急遞舖總舖東曰南塘曰尋真曰舊鎮曰遊山曰湯師曰松兒南曰永豐曰永寧曰駝頭

廣通鎮在東南五十里洪武三十年建設石閘永樂初去閘改築土堤設官吏溧陽溧水各僉夫四

十名守之

欽降板榜禁走泄水利渰沒蘇松田禾今壩官及溧陽夫俱革

集賢橋學門右正德十二年重建 育英橋學門

左嘉靖五年重建 興仁橋 東新橋俱在東

正義橋 西新橋俱在西 永濟橋治西嘉靖劉

啓東建名浮橋隆慶五年重建更今名 仙人橋

南十五里 諸家橋東二十里 張沛橋三十五

里 漆橋東南三十里嘉靖二十三年重建 大

葑橋東北十里 水逼橋南三十里近宣城界

驛橋廣通鎮下埧

論曰建置所志者城郭公署耳然興廢之故盛衰之候也故詳列之昔諸葛亮在蜀橋梁道路罔不修飭馬光祖治金陵時興建最廣而終不沒良牧之名抑其所務者大乎

應天府志卷十六終

應天府志卷十七

官職志

爲民置吏匪曰具員稽古訓官俾之率屬

聖朝董正周室比隆京兆欽承百僚胥倣作官職志
宣宗章皇帝御製京府箴

奕奕京師四方所瞻京尹之職民庶是誠周之內
史漢之三輔不輕畀人擇賢以付國家因之有尹
有丞亦有庶僚用贊厥成芒芒區域輦轂其本王
者施仁篤近舉遠爾體予懷務勤與周情必上通

澤必下流冰清玉剛準平繩直毋憚豪右毋縱姦
慝趙張邊延顯顯前規毋愧古人祇我訓辭

御製各縣箴

人君代天子養兆民任牧民者邑令尤親丞簿佐
令幕有贊畫民之休戚咸其所職保民之方心誠
求之如父與母字厥孩提察其凍餒俾衣俾食恤
其疾痛俾康俾適既厚其生必道其行有禮有儀
善俗用興致恭神祀致勵學校毋肆侵漁毋縱苛
暴爾端爾心務恪與誠政用有成民用底寧

國初改集慶路爲應天府設知府同知通判及經
歷知事照磨後增治中推官洪武三年陞正三
品賜銀印改知府爲府尹同知爲府丞以知府
蘭以權爲府尹二十七年增檢校

應天府府尹一人府丞一人正四品治中一人正
五品通判二人正六品推官一人從六品經歷
司經歷一人知事一人照磨所照磨一人檢校
一人其屬儒學教授一人訓導六人司獄司
獄一人廣積庫副使一人都稅司大使一人常

平倉大使一人江東聚寶門龍江三宣課司大使各一人朝陽門分司副使一人批驗茶引所大使一人秣陵鎮江東江淮三巡檢司巡檢各一人龍江石灰山二關大使各一人龍江裏外河泊所所官一人龍江水馬驛江東馬驛驛丞各一人陰陽學正術一人醫學正科一人

府尹掌京府事宣化和人勸農問俗均貢賦節征繇謹祭祀閹戶口糾豪強恤窮困錄罪囚務知小民之疾苦月朔奏老人坊廂聽

宣諭今惟順天行之歲立春迎春其春牛春花進太廟內官收送至京歲遣祭歷代忠臣便服行禮春秋二仲釋菜

先師春冬行鄉飲酒禮凡圩堰陂塘行邑以時修築八邑十歲造黃冊上于府冊有丁數田數凡賦役皆按冊丁產爲多寡繁簡之差四季考府學生歲貢學生二人三歲合試諸曹六館圻府諸生而貢士焉先期題請考試官永樂後不進題糾察吏治而上下其考三歲率屬入覲以聽

上黜陟凡

慶賀救護從省府凡

詔赦例令勘劄至謹受以下于屬稽考急遞毋留程
凡屬之政皆受約束於府府劑量重輕爲之出
令凡聽民訟行佐貳屬邑問理屬邑呈詳佐貳
解審考諸律例而允駁之

國有市易平其價召商而時給之商以時審之服
役凡南京外城南京工部修理景泰六年始奏
行府屬暫助撥人夫成化九年遂奏

准自馴象門起四門屬府歲春秋同內外守備工部
閱視而修理之丞佐尹無分職缺則攝行其事
治中清軍今理江防通判管糧或捕盜馬政推
官理刑雖有專職皆尹綜督焉經歷典出納文
移知事佐之照磨典磨勘卷宗檢校佐之教授
掌教生徒訓導佐之凡生徒廩膳增廣各八十
人附學無額凡學政遵卧碑提學御史申飭之
提調於府教授訓導必謹受之凡學官視鄉舉
人爲殿最凡府禮儀事學官司之司獄典獄庫

守藏凡屬縣歲輸及雜賦若贖金及事例鹽引
兵餉後湖寄貯錢糧悉登籍稅課諸司典稅凡
商僧屠市皆有常征以時權之凡民間買田宅
操券契出直百之三今戶部分司收之而轉文
於府以應文具倉典粟凡備賑及諸司贖穀與
俸給各收支焉巡檢控要害譏察異常姦究竊
發則應時捕擊以聽巡捕之令三年計所捕偽
印強竊盜逃軍匠囚民以爲上下考批驗茶引
所典茶引稽其奸冒而慎防之驛遞典傳郵迎
送之事凡舟車夫馬廩糧庖饌稠棖皆取給於
丁糧受於府而藉其出入河泊所典魚課陰陽
學司上候天文晷漏醫學司方藥診療人民

上元江寧爲京府亦縣上元縣知縣一人正六品
縣丞一人正七品主簿一人正八品典史一人
其屬淳化鎮巡檢一人江寧縣知縣一人縣丞
一人主簿一人與上元同典史一人其屬大勝
驛江寧馬驛驛丞各一人句容縣知縣一人縣
丞一人主簿一人典史一人儒學教諭一人訓

導二人陰陽訓術一人醫學訓科一人僧會司
僧會一人道會司道會一人六縣竝同惟江浦
無縣丞訓導止一人六合無縣丞主簿其屬句
容稅課局大使一人龍潭巡檢司巡檢一人雲
亭驛龍潭水馬驛驛丞各一人江浦浦子口稅
課局大使一人江淮驛驛丞一人六合稅課局
大使一人瓜埠巡檢司巡檢一人棠邑驛驛丞
一人瓜埠三汊河泊所所官一人高淳廣通鎮
巡檢司巡檢一人

知縣掌教養縣民之事縣丞主簿爲之貳凡諸縣
務大略如府而縣尤親民歲貢縣學生聽試於
提學御史三歲貢士聽選於鄉試歲攢實徵十
歲造黃冊民之賦役視丁與產爲差賦歲二征
役歲一征賦有粟賦金賦布帛及諸貨物之賦
役有力役顧役借倩不時之役皆視其天時休
咎地利豐耗人力貧富必調劑而均節之若歲
大歉中歉請于府而議蠲賑焉無幸富強苦貧
約凡詞訟必詢其情理稽律例而決之有不服

聽陳於府爲雪理焉凡養老祀神表善賑饑恤窮通貨之事時省而敦行之凡山澤之產資國用者按籍而貢焉凡民間利弊興革事宜必關白于府覈議而行之教讀教鄉塾木鐸宣

聖訓以警于民老人勾勘民間細事總甲邏察市里弓兵民壯執防捕之後縣丞管馬管糧主簿巡捕分職任事而領於知縣典史典出納文移或分領縣事儒學生徒廩膳增廣各二十人附學無額教諭訓導職如府學諸所屬驛遞巡檢河泊如府屬者職亦如之

論曰

御箴在上日月相爲昭焉郡邑之職盡之矣顧茲根本重地保釐寔難有事于茲者其尚欽服訓詞以求无曠也乎

應天府志卷十八

學校

設庠陶士令甲孔昭貞教樹聲邦畿爲重以時崇報以制賓興美矣前修睠茲首務作學校志

府儒學在府治東南漢丹陽太守李忠起學校孫吳立學皆莫詳所在南宋立儒學於北郊命雷次宗居之

官院記儒學在鍾山之麓

宋天聖建

學府西北景祐徙府治之東南即今學淳祐六年趙以夫更命教堂曰明德元設集慶路學于

宋學故地大德五年脩行臺御史楊演有記一
畝之宮塚堵之室一有敞陋則脩之唯恐弗亟
豈特宮牆爲然哉今泮宮修矣吾二三子來游
來歌道存目擊及求諸身蓋思亦有未修者乎
於是貌仞牆之崇峻則思斯道之尊嚴觀經閣
之富盛則思吾心之六經聞金石之鐸鏘則思
一言一行有條有理如律呂之合節凡在門牆
其以是相諭

大明初改爲國學後復爲府學置一堂四齋以上元

江寧二縣學省八增二齋訓導及生員廩膳之
數永樂六年廟學災宣德七年守臣襄城伯李
隆府尹史怡重建少傅楊榮爲之記成化七年
復燬提學御史嚴銓復建即尊經閣爲後堂尹
魯崇志成之弘治間尹秦崇以石堤障秦淮水
正德間尹白圻繚以石檻元有豐碑覆以亭御
史蕭鳴鳳毀之嘉靖初都御史陳鳳梧平學後
山重建尊經閣十年

制增敬一亭貯

宸翰敬一箴序范浚心箴程頤視聽言動四箴共六
碑縣學如之侍讀黃佐有記金陵故吳國也自
我

聖祖受命增其式廓作爲天府以統丞夏而扁其學
宮之堂曰明德天下郡國學校靡得而同焉王
氣所鍾山川炳靈視昔曼殊矣都人士之樂育
者爭自濯磨以自異於凡民越倫駿茂後先輩
出蓋莘莘如也其在周易乾之象曰君子以自
強不息法天健也而繇以飛龍則君道存焉天

府之名以之晉之象曰君子以自昭明德法日
升也而彖以錫馬則臣道存焉堂之名以之夫
日之運於天土之仕於君其義一也先王設爲
數學以逮於今米廩以養之黉宮以居之詩書
六藝以迪之藏脩游息以節之旦夕則揖讓登
降以示之朔望則瞻依拜跪以道之敬歲時則
有釋菜賓射之事而肄之以進退俯仰之度感
之以弦匏拊鼓之音動之以干旄羽籥之容所
以肅其心知和其血氣繕其性情釋其邪侈增

其粹美使之入而事親從元保宗睦族出而忠
君親上展講揆物內而存省愆室外而動作威
儀無湏史而不學則其德也無湏史而不明矣
於戲日運於上而與天會則成歲功士仕於君
而承君休則成德業是役也匪爲美觀而已用
大造爾士崇厥明德光輔

聖天子以熙鴻號於無窮則諸公之志也藏儀脩業
者盍思所報乎哉 萬曆三年濬月河以石甃岸
易學前戶部地爲屏墻四年成之

先師廟在明德堂前宋雍熙中有文宣王廟在府西

北三里冶城故基天聖七年張士遜徙廟浮橋

東北景祐中改建今學內紹興六年脩江賓王

記春秋之世魯僖公能脩泮宮有史克者作頌

鋪張揚厲惟叙其采荇采藻獻馘獻囚而已至

若棟宇時制則畧而勿言意固有在矣矧今日

之事哉吾知今之意不在挈榼計工誇耀一時

也蓋欲後進方領矩步升堂入室敦詩書閱禮

樂然後發策決科致君澤民以繼踵先達益知

教化之所自來其所務者遠且大誠可嘉也淳

祐六年增造兩廊以妥從祀元至大二年重脩

盧掣有詩

孰昇于穹夫子之宮孰燬于昔而復

于今崇臺有嚴植綱斯邦維教斯明維士斯獲

爰才爰工于址于棟維宇斯替維構斯隆旣翼

其居迺睟其容曰章曰縫迺粒迺饗迺藝鉛槧

迺聲笙鏞繇條集成始王金終迺洋聖謨以鋪

德音士習維羽而校斯林或蜚而冥或喙于陽

或采其翰而儀其漸之習之印而賓于王士式

臺萊而楸而楠于焉度之以柱明堂昇校之光

昇士母忘

御史劉泰有脩祭器記

夫先王之立

禮也有本有文忠信禮之本也義理禮之文也

本以主乎中而不敢懈文以著乎外而不可闕

所謂無本不立無文不行也矧器數制度莫不

起於時之宜事之當而有以成施於祭祀必盡

已以實內外一致方能感格斯五禮中尤為難

者其本與文一或有闕致誠亦不至雖勉卒事

不陷於如不祭者幾希是故擴忠信義理於齋

莊恭敬拜起坐立儀不少愆者亦本之所以立也簋簠豆行列有數者亦文之所以行也故曰噐有一之不備則禮有一之不行是以本既立矣文既行矣內外交盡不虛矣明則人物懷其仁幽則鬼神饗其德必至乎是則祀事孔明庶無悔矣建康爲江南名郡人臺察蒞焉廟貌巋然學校脩整祀噐燬于大德壬寅之火存者十不二三若弗補完是文不行於外而內雖有本安獨立耶我元大興文治加封孔子報德報功禮降丁祀有司素行固不敢不致如在之誠然而黍稷之馨弗實于簋簠水土之品弗登于豆籩雖曰明德惟馨亦奚指彼以明此哉噫噐之未具也菜盛庶品一或不登無以表其明德今噐旣具矣庶品旣登矣誠或不足於有事之際雖黍稷之馨神亦不饗所謂誠爲實禮爲虛也有事於豆籩者可不謹乎

大明宣德七年重建大成殿嘉靖十年奉制更今名

啓聖祠在明德堂左嘉靖十年奉

制增建

社學洪武時每坊廂各建一區擇耆舊爲之師

明道書院在鎮淮橋東北宋淳熙初留守劉珙以

明道程先生顥嘗爲上元簿祀之學宮朱文公

熹爲之記紹熙間卽縣西偏祀之嘉定間改築

新祠真德秀爲之記淳祐巳酉郡守吳淵更創

依白鹿洞規聘名儒爲山長理宗賜明道書院

額後馬光祖姚希得增脩元廢弘治間御史司

馬聖祀於學嘉靖初御史盧煥始卽今址爲書

院祠祀馬御史劉隅章袞增飭之

新泉書院在長安街西嘉靖初湛若水爲禮部侍

郎史際以宅舍爲之因掘地得泉乃名焉有學

田

崇正書院在清涼寺東提學御史耿定向建有學

田

學田一百三十畝上元縣徵租

貢院在秦淮上府學之東地廣十餘畝中有樓曰

明遠堂曰至公左右為監試提調院列以謄錄
對讀供給諸所前空處即東西文場地號若干
間堂之後又堂七間三間為會堂左右各二間
為考官燕居兩序則五經同考官室堂後大池
架梁於上池北之堂曰飛虹左右掖皆有屋隆
慶初都御史盛汝謙購隙地繚以土垣四通以
巡警外設公館及群舍以備供饌應天府領之
宋乾道四年知府史正志建貢院於建康面秦
淮接青溪疑即此地

句容縣學在縣治南唐開元十一年始建于縣署
東宋皇祐知縣事方峻再建元豐二年葉表以
縣南驛改造即今地紹興二十三年龔濤脩編
脩江賓王為之記元至大二年尹趙靖重建
大明洪武十二年知縣韓繼脩景泰四年府丞陳宜
易學西民地置教官廨嘉靖四十五年重建
先師廟宋知縣事方峻更置元縣尹張士貴重建永
樂中增脩祭酒胡儼有記 宣聖廟門準儀立
載十六始宋建隆二年至政和元年增為二十

四載所以備儀衛示尊崇也嗟夫學校教化所以出其興廢實守令之責然所以為教化者豈專以廟堂為美觀哉要之有其本也苟敝壞不治則無以將事既徹而新之此為政者知脩其職也至於務本則吾黨之士當以勉之昔我

太祖高皇帝既定天下首崇學校之政教育人材作新士習貽謀於萬世者遠矣至我

皇帝繼承大統繼志述事表章儒術深念天下學者務科目進取致力於章句文辭之間而忘脩己

治人之術乃命儒臣取六經四書與諸先儒之與論所以發明聖學維持斯道者類聚成書

賜名性理大全頒之天下學校而嘉惠學者使知務本之意所謂天祐下民作之君師德教之隆超軼前古天下之為師徒者當知此書美教化而叙彞倫一道德而同風俗需此馬出非徒科目進取之事也已

成化十四年徐廣重建侍

郎尹直有記

昔人謂仲尼之道與王化遠邇蓋孔道之行浹於邇斯被於遠勢同然也我

皇明專用孔子之道陶範斯民邇自京師遠自四裔
無處無學無學無廟南京亦

祖宗興王之所首善之地教道所從施應天京府也
司容應天屬邑居南京不百里而近其沐浴聖
教衣被王化于今百餘祀最先且浹故其士習
之隆盛人才之彙興迥迭前古宜廟學之壯麗
宏偉甲四方乃見之 聖神如天洋洋在上凡
百襟佩游歌於斯也觀其巍然偉然肅焉於駿
奔之時凜然於拜謁之頃感發興起端其所學
而不雜誠其所存而不偽高則養正以成聖功
次則游藝以取高第躋顯仕斯不孤
朝家教養四方仰止京畿望邑不亦宜哉

啓聖祠在明倫堂後

射圃在縣治東陳敬宗有記

惟射之義廣矣大矣

古者天子諸侯卿大夫士皆重之周官司裘共
王虎熊豹三侯設鵠諸侯熊豹二侯卿大夫麋
侯皆設鵠此大射之侯也王射三侯五正諸侯
射二侯三正卿大夫射一侯二正士射豨侯二

正此賓射之侯也而州長射於州序其侯亦同
賓射天子熊侯白質諸侯麋侯赤質大夫布侯
畫以虎豹士皮侯畫以麋豕此燕射之侯也茲
三射之侯以其飾之多寡而別尊卑焉天子射
百二十步諸侯九十步大夫七十步士五十步
所以明尊者所服之遠而卑者所服之近也其
制度有如此者夫射不特施諸武事將以習禮
樂焉故諸侯之射也必先行燕禮卿大夫之射
也必先行鄉飲酒之禮所以明君臣之義與長
幼之序也天子有事於郊廟必先習射於澤宮
擇士以助祭焉士者諸侯所貢之士也其容體
比於禮其節奏比於樂而中多者得與於祭否
則不與於祭而有慶讓黜陟之典焉所以重有
德也諸侯繼世而立矣卿大夫有功而升矣而
又試之以射考其德行與其才之高下焉所以
慎其封爵也天子以騶虞為節諸侯以貍首為
節大夫以采蘋為節士以采芣為節節者禮樂
之節也必脩其節而矢焉則射豈可以藝道觀

哉孔子射於矍相之圃賁軍之將亡國之大夫
與爲人後者不敢入而唯幼壯孝弟耆耄好禮
者得在賓位則躬執弧矢者其賢可知也故曰
射之藝廣夫大夫句容射圃即古州長之射於
州序之禮也凡習射於是圃者苟能揖讓進退
不失禮節內正其志外端其體操弧挾矢審固
而發庶幾乎習禮觀德克合古道矣予故歷叙
古之天子諸侯卿大夫士禮樂制度以曉之使
觀者咸知射禮之重如此而罔敢易視之也

學田一百三十三畝店十間提學御史聞人銓知

縣周仕置

南軒書院在縣治北知縣周仕改接待寺爲之

正心書院在崇明寺東萬曆三年建

社學在縣治者五東西北與東南西南各一在鄉
者十有六

溧陽縣學在縣治東南漢光和中縣長潘乾立校
官唐縣令柳均興學校莫詳其處宋淳化五年
知縣事夏侯戩建宣聖廟於縣西門外今廣惠

祠地皇祐四年查宗閔徙於今處紹興施祐嘉定陸子適重脩元陞州學燬于兵

國初辛丑知州林公慶創建天順中燬成化初知縣員賢漸次脩復十五年知縣陳福改明倫堂爲後堂而更新之嘉靖元年湯虺闢迎秀門鑿泮池引注五堰之水四十三年成之馬一龍易學後民地建尊經閣

先師廟宋初建徙大都與學同

明興辛丑年建永樂知縣李成張貞正統李銘並脩

啓聖祠在敬一亭左萬曆二年修

射圃在學右

學田嘉靖十七年知縣呂光洵始置後巡撫都御史張烜易田收租一百二十八石有奇知縣鄭一龍巡按御史董鯤邑人史際揚孟元相繼助田共田四百五十四畝工部尚書劉麟有記古之君子聞人有賜則與辭讓之心苟辭之而已

馬則居之者爲誰是不然貧可也有故可也四教優入者可也噫嘻原憲之辭叔世希矣冉求

之請當時少之將非今日用財之斷案乎君子
于此恒曰可以取可以無取少有未安即持遜
避一國興讓其風穆如是心推之天下國家何
施不可曰文曰道先立乎其本有士如斯亦足
以仰答今日置田之義

社學在縣東南隅

溧水縣學在大西門內唐武德建宣聖廟于縣治
東宋熙寧二年知縣事關起遷于崇儒坊內寶
祐改命教堂曰明倫元陸爲州學

大明復爲縣學知縣鄧鑑高謙甫相繼脩之成化重

脩脩撰羅倫有記

夫天下事有大而無難得人

倡之而已矣禮義人心同然未有倡而不和者
事無大於治天下禮義治所自出學校又禮義
所自出建學以明禮義固治天下大事也以癯
然儒者任天下大事一倡而上下和者如響費
者忘其財則勞者忘其力出謀於左右者忘其
功吾是以知天下治無難也得人倡之而已矣
倡之非其人不以其道而已矣禮義在人心固

不泯也善治天下者先善其倡之者而已公卿
百執事所以佐天子以倡天下者也得其人則
治且安不得其人則亂且危士之學於今日者
固異日公卿百執事也師之倡於今日之士之
學其固異日公卿百執事之倡也倡之無他明
禮義以正其心脩其身以爲天下國家安且治
之具也非徒倡之以與其學校以僥利達而已
且勞人之力而費其財人情常難從事功常難
立也若明禮義以道之則不費其財不勞其力

宜其易也二三君於爾邑人之甚難者旣相與
以有成矣則爲其易者其不能相與以有成哉
吾固慶其將相與以有成而天下之人將被其

澤也

嘉靖十七年知縣陳光華徙于京兆館東
謝廷蒞成之三十九年知縣曾震復即朝元觀
基爲今學周之屏成之

先師廟唐初廟址在舊縣治東三十步宋熙寧徙于
學內紹興八年知縣事李朝正脩

明興更建正德間知縣何東萊重脩

啓聖祠

射圃舊在學東今廢

學田共二百八畝有奇知縣高狎教諭李旦置後
遷學欲鬻巡按御史董鯤贖存之

中山書院在北門外祀兵部尚書齊泰知縣謝廷
蒞置義田給其子孫在歸政鄉

社學十一在崇儒坊唐橋巷南門內北門外邵村
東巷邵倉西邵村倉後拓塘市蒲塘街洪藍埠
孔鎮各一今俱廢

江浦縣學在城東洪武十年創於浦子口城內二
十五年徙縣曠口山之陽遂遷學焉即今處景
泰中知縣勞鉞重建明倫堂嘉靖中張峯津青
雲樓侯國治鑿萍池

先師廟洪武中創立成化十二年教諭吾嘏重脩
啓聖祠

射圃在學右山下

學田十頃有奇知縣王之綱以絕戶餘田入學租
三百六十石

新江書院在縣治南祀定山先生莊景南京禮部
尚書湛若水建

社學在縣西

六合縣學在縣治西唐咸通中在滁河南光化中
徙東門街北再徙縣治東宋治平中復徙城東
臨河尋徙縣西高崗上建炎兵燹紹興十四年
暫寓縣東古官舍遂因經藏廢院爲學二十九
年復遷高崗故址紹熙四年知縣鄭縝拓之嘉
定七年劉昌詩重建

大明洪武五年知縣陸梅創立正統間史思占黃淵
相繼脩之祭酒陳敬宗有記

惟學校育才以德

行爲先成周盛世以鄉三物教萬民教之六行
六德然後教之六藝先其本而後其末也故其
賓興之賢無非濟濟多士藹藹吉人焉

聖朝崇尚儒術而以文學取士然其文皆出於六經
聖賢五常之訓仁義忠信之言所謂六德六行
六藝之教即此而在非若唐宋詩賦之比今之
萃其職者切切以興學校爲務式觀盛美而凡

講習於中者宜何如其用心哉事君必思所以
極其忠事親必思所以極其孝至於夫婦兄弟
朋友必思所以各致其極存之於心而不失措
之於躬而弗違見之於事爲而不可奪涵養純
熟習成自然充之以學問發之於文詞蓋無非
六經聖賢五常之訓仁義忠信之言與成周三
物之教無以異他日賓興又何愧於多士吉人
哉系之以詩曰伊儒之黷迭更廢興聿崇新規
顯厥層宏惟聖有居於穆清廟惟賢有庶赫其
有耀鼓鍾於論講肄之堂朝學暮書誦聲洋洋
豆籩靜嘉禮樂攸備重覩盛美肅將祀事隆師
親友是習是誣昔也怠荒今則進脩緇衣有雅
肉粟攸繼廩養豐潔非習之儷

皇明右文督勵孔勤樂育菁莪以陶以甄有偉名卿
克相厥事作而新之益振士氣青青子衿報稱
何由敦德勵行不愧成周翼翼其亭隆隆其碑
於千百年斯文在茲
成化五年唐詔脩學士倪
謙記之正德九年萬廷珵脩南京鴻臚卿王守

仁記

甚哉誠之易以感民也甚哉民之易以誠感也有司者賦民奉國鞭笞累繫不能得則反仇讐視之今縣尹學諭一言而民之應之若響使天下之為有司學職者咸若是天下其有不治乎此可以為天下之為有司學職者倡夫民之愛其財與力至競刀錐漸舉手提足寧殆其身而不悔今六合之民感其上之一言捐數千百金瘁精力爭先恐後使天下之為民者咸若是其有不治乎此可以為天下之民倡矣

夫民蔽於欲而厚於利苟有以感之然且不憚費已之財勞已之力以成其上之所欲為

秀於民而志於民備其明德新民之學以家之求固不費財力而可能也苟有以感之

有不然而則者嘉靖三十年董邦政脩之隆慶五年重建以向西南

先師廟在明倫堂前

先聖祠在先師廟之左

射圃在學西

學租嘉靖御史鄭光琬入房租銀二十三兩四錢
有奇知縣茅宰邵漳教諭陳洪表置田地租有
差

社學在縣治東正德間捐其地于民別於四門各
建一區

高淳縣學在縣治東通賢門外

大明弘治六年創十二年廟學規制始備正德七年

燬明倫堂御史徐翼周鶴重建

先師廟

啓聖祠

社學在賓陽門外

論曰夫民有血氣心知之性易爲邪僻古之士者
皆教之而後用以六德六行六藝制賓興之典淑
其心志防其淫佚及奮庸熙載鴻名茂實焜耀簡
冊非獨性然抑習之者素也漢吳來亡論已

高皇帝起江左加意教化即位初首命郡縣建學頒
降卽碑其作新化導之具同符三代况茲根本之
地哉夫士居黌序貌榮名哀然爲齊民首而不能

敦崇實行追踪古哲豈國家建學之意哉

